



Programma in Exsequiis Viri Nobilissimi Et Consultissimi Caroli Friderici
Koehleri Iuris Disciplinarvm Doctoris P. P. In Academia Ienensis
Programma in Exsequiis Viri Nobilissimi Et Consultissimi Caroli Friderici
Koehleri Iuris Disciplinarum Doctoris P. P. In Academia Ienensis

[Jena]


Bru#ckner, Wilhelm Hieronymus


P 4° 00443 (24)

https://dwb.thulb.uni-jena.de/receive/ufb_cbu_00000616

urn:nbn:de:urmel-c3d4bce4-01ca-453f-a0d8-de5caf20dd0a6-00000998-17

Lizenz: <https://creativecommons.org/licenses/by-sa/4.0/>





urn:nbn:de:urmel-c3d4bce4-01ca-453f-a0d8-de5caf20dd0a6-00000998-17

PROGRAMMA
IN
EXSEQUIIS

VIRI
NOBILISSIMI ET CONSULTISSIMI
**CAROLI FRIDERICI
KOEHLERI**
IVRIS DISCIPLINARVM DOCTORIS

P. P.
IN ACADEMIA IENENSI.

LITTERIS WERTHERIANIS.

PRORECTOR ACADEMIAE IENENSIS
**VILHELMVS HIERONYMVS
 BRVCKNERVS, D.**

CONSILIARIVS SAXONICVS, ANTECESSOR, PANDECTARVM PROFESSOR
 PVBLICVS, CVRIAE PROVINCIALIS, FACVLTATIS IVRIDICAE
 ET SCABINATVS ADSESSOR

CVM PROFESSORIBVS RELIQVIS

S. D.

CIVIBVS.



Elebrata satis sunt atque antiquis tradita monimen-
 tis Stoicorum veterum effata, quæ quia sunt admi-
 rabilia contraque opinionem omnium, ab ipsis
 græce παρὰ δόξα fuerunt adpellata, cuiusmodi
 referuntur aequalia esse peccata & recte facta; solum
 sapientem pulcrum esse ac diuitem, eundem posse

vocari regem, deo parem, ac quæ alia sunt. summam illorum
 paucis complectitur HORATIVS a)

a) lib. I.
 epist. I. v.
 106.

ad summam, sapiens vno minor est loue, diues,
 liber, honoratus, pulcher, rex denique regum;
 præcipue sanus, nisi cum pituita molesta est;

b) paradox.
 ad Marcum
 Brutum.
 c) manu-
 duct. ad phi-
 los. Stoic.
 lib. II.

d) element.
 philosoph.

Stoica cap.
 125. sqq.

e) histor. phi-
 los. p. 617.

edit. latin.
 f) vid.

summ. reu.
 BVDDVEM

anal. histor.
 phil. p. 130.

sqq.

g) SCHEVR-
 LIVS biblio-
 graph. mor.

S. 112.

h) p. 371.

amoenitat.
 theol.

vim autem eorum CICERO b) non solum copiose interpretatus est, quod
 & recentiori ætate a viris doctissimis IVSTO LIPSIO c) & CASPARE
 SCIOPIO d) item THOMA STANLEIO e) factum; sed & excusauit ista
 ac defendit. † etenim non defuerunt, qui de hisce effatis haud benigne
 senserunt multa que in illis desiderarunt. in qua sententiarum discre-
 pantia vt sequamur, quod rectum est & verum, dicta hæc Stoicorum
 non eo nomine reiicienda esse censemus, quod sint παρὰ δόξα, sed
 quod παρὰ λόγον, a veritate aliena contineant, etiam eiusmodi inter-
 pretentur sapientiam, quam adhuc nemo mortalis est consecutus. f) tan-
 tum quippe abest, vt effata quædam iisdem de causis, quod mira-
 bilia sint & paradoxa, vituperemus, vt ipsa cælestis doctrina, quæ
 nobis viam ad sempiternam felicitatem monstrat, paradoxa edisserat,
 cuiusmodi & eloquentissimus CHRYSOSTOMVS, quum orationes ha-
 beret sacras, pronunciare solebat. g) quo circa ad imitationem Ci-
 ceronis AVRELIVS BRANDOLINVS Lippus septem paradoxa christiana
 scripsit; SEBASTIANVS FRANCVS vero longe plura ex diuinis litteris
 collegit & celeberrimus abbas IO. FABRICIVS dissertationem de para-
 doxis theologicis h) in publicam protulit lucem. verum παρὰ δόξων
 vere christianum, quod sublimitate sua, dignitate ac præstantia omnia
 Stoico-

† oratione pro Murena cap. 29. sq. vniuersa quidem ridet ipse CICERO, &
 aduersus paradoxon, omnia peccata esse paria disputat HORATIVS lib. I.
 satir. 3. v. 115. cetera autem perstrinxit v. 124. quorum & meminit
 PLYTARCHVS Catone minor. p. 769. 792.

Stoicorum paradoxa longissime superat, est: ὁ πισεύων εἰς ἐμὲ, καὶ ἀποθάνει, ζήσεται, QVI CREDIT IN ME, ETSI MORIATVR, VIVET, i) Io. xi, 25, quod omnino ad σοφίαν θεῶν ἐν μυστηρίῳ τὴν ἀποκαλυμμένην, σα- 26. pientiam dei in mysterio occultatam pertinet. k) namque quod Christus k) 1. Cor. ii, differat de eiusmodi morte, quam natura omnibus propoluit, ex eo pa- v. 7. ter, quod occasione Lazari defuncti verba ista protulerit: nec voce ζήσεται, VIVET talem tantum vitam intelligat, quæ in futura resurre- rectione restituenda, inde colligere possumus, quod dicta hæc in pro- fessione, quam hac in causa ediderat Martha, οἶδα, ὅτι (ἀδελφός μου) ἀναστήσεται ἐν τῇ ἀναστάσει ἐν τῇ ἐσχάτῃ ἡμέρᾳ, l) resolu- 1) v. 24. adeoque haud obscure indicauerit, de præsentis quoque statu quædam adhuc esse obseruanda. m) asserit quippe salutis nostræ auctor, quod m) conf. mors piorum hominum, qui deo penitus iuncti sunt, speciem tan- OLEARIUM tum mortis præ se habeat; nec re ipsa, quando ipsis contingat discessus observat. in animi a corpore, mors possit appellari, quoniam non sit interitus, sed Matb. p. 621 migratio quædam commutatioque vitæ felicioris, quæ per fidem in nobis coepta consummanda est. quæ cælestis doctrina solido nititur fundamento. poenam enim, quam morte nostra soluere debebamus, christus quoque subiit, ac deo iudici iusto satisfecit, adeo ut nullam causam aduersus pios habere possit: quocirca PAVLLVS n) dicit, n) 2. Tim. I, gratiam dei factam nunc esse conspicuam per apparitionem seruatoris no- v. 10. stri Iesu christi καὶ ἀγῆστος μὲν τὸν θάνατον, QVI EVANESCERE FECIT MORTEM, φάτιστος δὲ ζωὴν καὶ ἀφθαρσίαν διὰ τοῦ εὐαγγελίου, VITAM vero & INCORRUPIBILITATEM in lucem produxit per euan- gelium. † neque non hæc doctrina omnibus, qui seruatorem suum sincera complectuntur fiducia, magna solatia, fomenta perturbatio- num mentis adfert, ut discessum ex hac vita in beneficio & gratia diuina numerent. prompti sunt & parati ad emigrandum, ac spe me- lioris vitæ, vitæ illius, quæ omni felicitate æterna & solida abundat, erecti mortis metu neutiquam perturbantur, id quod exemplo viri nobilissimi CAROLI FRIDERICI KOEHLERI iuris doctoris egre- gii illustrare possumus, in cuius funere hodie vltimum præstare officium decet. namque quum res sæculi vanas esse & caducas videret, adeo- que mentem ab illis plane abductam deo consecraret, amore in christum

† ex his iudicari potest de disputatione inter HERMANNVM ALEXANDRVN ROEL- LIVM & CAMPEGIVM VITRINGAM, celeberrimos theologos, quorum ille existimauit, quod etiam piis mors definita sit veluti poena, quod merito negauit VITRINGA, in cuius certaminis societatem venit quoque IACOBVS RHENFERDIVS & MDCCII. edidit: *momentam controuersia de morte cor- porali ponderatum & ad tollendas suspensiones & minuendas lites examina- tum*, de cuius controuersia historia legi possunt BENTHEMVS de *statu ec- clesiarum & scholar. in Hollandia* part. II. cap. 2. p. 102. lqq. & VITRINGA *obseruat. sacr.* lib. II. cap. 7. mors sane piorum in scripturis sacris ita de- scribitur, ut in ea haud quidquam, quod poenae rationem habeat, de- prehendantur, quando de Lazaro dicitur: ὁ φίλος ἡμῶν κεκοίμηται. vbi nulla est peccati imputatio, ibi nulla est mors, quæ peccati stipendium est, Rom. vi, 23. conf. summe reu. IO. FRANCISCI BYDDEI *institut. theol. dogmatic.* lib. II. cap. 3. §. 19. p. 645.

christum & fiducia æterni beneficii discedere semper voluit; etiam placido & composito animo discessit. natus ille est anno sæculi superioris LXXXVIII. d. XIII. mai. Altenburgi parente viro amplissimo LAVRENTIO KOEHLERO consule oppidi illius meritorum laude conspicuo, ac matre MAGDALENA SIBYLLA CLAUDERIA virtutum decore ornatissima. qui parentes simul ac de indole pueri cognoscebant, nihil quidem negligenter faciendum rati, sed quum opinione celerius de statione sua decederent, aliorum curis nobilissimas educationis partes relinquebant. scholam Altenburgensem industriæ testem habuit & magistros vitæ & doctrinæ coluit enixe, inter quos eruditos viros audiuit & sectatus est WENZELIVM, FRISIVM, STERNIVM, quorum fide atque institutione adiutus sensim ad graviora artium studia sese reddidit idoneum. igitur quum ista cogitaret animo iurisque prudentiam amplecteretur, anno MDCCVII. Lipsiam venit ac virorum omni laude abundantium consiliis stetit, horumque disciplina cum philosophiæ maxime SCHMIDII, RVDIGERI, BERNDII, tum iuris MENCKENIO, RVM, PHILIPPI, OLEARII, MASCOVII in vario doctrinarum genere tam ingenium, quam animum finxit præclare. nec vero nullum virtutis atque industriæ tulit fructum. etenim anno MDCCXVII. postquam egregium eruditionis specimen edidit, summos honores petiit rite ac merito suo impetrauit. proxime transacto anno huc venit, sed inferiori corporis parte hydropis malo correptus & superiori phthisi laborans quum prævideret, nullam conualescendi spem esse relictam, ad cælestia sese contulit & postquam hora decretoria ipsum mortalitatis iugo soluit d. XXII. april. in æternam transmigravit patriam. reliquum est, CIVES, vt præsentia ac comitatu vestro vltimum officii genus suscipiatis atque ad peragenda exsequiarum solemnina hodie ab hora. conueniatis frequentes. P. P. sub acad.

figill. d. XXX. mai. anno instaurationis salutis

MDCCXXIII.

